

Drage džematlije i prijatelji našeg džemata,

Sa velikim zadovoljstvom vas obavještavamo da je naša džematska svečanost, održana 11. maja 2024. godine, protekla u izuzetno lijepoj atmosferi. Hvala Allahu, jer samo Njegovom voljom sve biva. Zahvaljujemo se svima koji su svojim prisustvom i doprinosom uveličali ovaj događaj.



Kad se vrijedni ljudi spoje, sve se hoće, sve se može! Tako možemo opisati aktivnosti, rad, trud, zalaganje, ideje, organizaciju i realizaciju u našem Džematu Sindelfingen/Böblingen od dolaska novog imama, efendije Enesa Begića, do danas. Nastavio je tamo gdje je stao njegov prethodnik, Amir ef. Meheljić.

Kako poslovice kaže, "sloga kuću gradi", tako smo složni i puni elana krenuli s pripremama za doček Ramazana, zajedno s djecom i odraslima. Nakon što je i to proteklo neočekivano lijepo, pojavila se potreba za bajramskim druženjem kao znakom zahvalnosti i sreće zbog uspjeha tokom Ramazana. Sama činjenica da je veliki broj djece postio Ramazan bila je dovoljna da se cijeli džemat okupi i osjeti tu radost.

Hvala Allahu, 11. maja 2024. godine, realizovali smo dugo i detaljno pripremanu džematsku, umjesto bajramske svečanosti avliji naše džamije.

Džematskom svečanošću zaokružen je samo jedan dio aktivnog rada imama, Vijeća roditelja i izuzetno aktivnih džematlija poput Selvera Muratovića, Faruka i Belme Bučan, Midheta hadžije Rizvanovića, Abdullaha Novkinića i još nekoliko drugih uvijek spremnih da pomognu.

Potrebno je bilo puno truda i vremena za: montažu bine koju je isporučio naš džematlija Selver Muratović, montiranje tehnike i opreme (razglas, osvjetljenje, dekoracija bine), video i fotografsko snimanje, pripremu kolača, kafe i voća od naših vrijednih hanuma, pripremu roštilja i serviranje hrane i pića.



Prvi dio programa bio je posvećen druženju uz hranu, piće, kafu i kolače koje su pripremile vrijedne članice ženskog aktivizma i članovi mreže mladih našeg džemata. Kulturno-umjetnički program započeo je u 18:45h, gdje su nas svojim izvedbama ilahija i kasida počastili gosti iz Bosne i Hercegovine, kao i naši domaći izvođači, tj. naša mektebska djeca koja su izvela recitacije o Bosni i Sandžaku. Gosti su nam bili: Profesor Edin Fazlić, Adnan ef. Smolo, Alen ef. Hrustić, Ali ef. Gljiva. Program je završio dovom koju je proučio podpredsjednik džematskog odbora, Mirfat ef. Sadović.

Tekst: Organizacioni tim svečanosti



Nаш Poslanik, a.s., nas uči da za svaki proučen harf iz Kur'ana imamo po deset sevapa. U toku Ramazana učili smo mukabelu u našoj džamiji. Učaći su bili: Hadžija Safet Žiko, Hadžija Kasim Radmanić, Hadžija Mustafa Čosić, Hadžija Alija Birdozlić, Hadžija Ahmet Biševac, Haris Bešić, Amir ef. Meheljić, Hadžija Midhat Rizvanović, Mugdim Ahmagić i Enes ef. Begić

Allah dž.š. u Kur'anu kaže: "Trudite se, Allah će vaš trud vidjeti, a i poslanik i vjernici."

Najvrijednijim džematskim aktivistima uručene su priznanja i zahvalnice, nagrade su uručene postačima (mektebskoj djeci), a nakon zajedničkog klanjanja akšam namaza, podijeljeni su bajramski paketići mekteblijama.



Posebno su nagrađeni naši takmičari koji su na džematskom natjecanju na nivou Medžlisa osvojili sveukupno prvo mjesto i osvjetlali nam svima obraz, naši predstavnici su bili Merjem Šemsedini, Emina Biber, Adem Nuhić, Jakub Karahodžić, Daris Halilović i Kenan Ćosic.

Poslanik, a.s., nas je poučio da se djela cijene prema namjerama, i da svakom čovjeku pripada samo ono što je htio postići. Allah nas u Kur'anu podsjeća u suri At-Takvir, 29. ajet: "...a vi ne možete ništa htjeti ako to Allah, Gospodar svjetova, neće!"

Za sve, sva zahvalnost pripada Allahu, Gospodaru našem Plemenitom, koji nas je uposlio dobrom za najveća dobra, okupljajući nas jedne za druge i jedne s drugima!

Slike sa svečanosti mozete vidjeti na našim društvenim mrežama.

Priredili smo vam još jedno iznenađenje, cijeli program je snimljen i svi oni koji su bili spriječeni da prisutvuju, ali i svima koji se žele prisjetiti tog lijepog dana, cijelu svečanost mozete pogledati na našem YouTube kanalu: <https://www.youtube.com/watch?v=BbmSDmAgb9c>

Do sljedećih svečanosti i druženja želimo nam mir, slogu, čista srca i dalekovidnost koja nadmašuje sve horizonte.

Esselamu alejkum

Tekst: Organizacioni tim svečanosti